

醫

學

啓

源

醫學源序

先生張元素潔古易水人也八歲試經童二十七歲
經義登科犯章廟諱黜落於是怠仕進遂潛心於醫
學二十餘年雖記誦廣博然人之術不出時右其夜
夢人持柯斧長鑿鑿心開竅納書數卷於其中見其
題曰內經主治備要駭然驚悟覺心痛只為凶事也
不敢語人自是心目洞徹便為傳道軒岐指揮秦越
也河間劉守真醫名冠世視之蔑如也異日守真病
傷寒八日無下症頭痛脉緊嘔逆不食門人待病示
知所為請潔古診之至則守真面壁不顧也潔古曰
視我真如此卑也診其脉論之曰脉病尔乃初下

藥犯某藥味乎曰然潔古曰差之甚也守真遽然却
曰何謂也潔古曰某藥味寒下降走太陰陽亡汗不
散也今脉云云當以某藥治之守真魁首大服其能
一服而愈自是名滿天下潔古治用古方但云

古方新病甚不相宜反以害人每自從病取方刻期
見效藥下如攫當時目之曰神醫暇日緝集素問五
運六氣內經治要本草藥性名曰醫學啓源以教門
生及有醫方三十卷傳于世士辰遺失存者
惟醫學啓源真定李明之門下高弟也請予為序故

書之

蘭泉老人張吉甫序

天地位六地象之圖

下絡大腸	肺焦象天	金主清	金火合德	太虛	屬上二位天
下絡小腸	心包絡	君火主熱	火	天面	屬
下絡膀胱	肝中焦象人	風木主溫	木火合德	風雲之路	屬中二位人
	膽次	相火主極熱	火	萬物之路	屬
下絡胃	脾下焦象地	濕土主涼	土水合德	地面	屬下二位地
傍絡脾	腎黃泉	寒水主寒	水	黃泉	屬

手足各三陰三陽

註云肝心脾肺腎皆屬陰五臟也 膽胃三焦

統大腸小腸皆屬陽六腑也分而言之手足皆有

三陰三陽是也

手三陰三陽 三焦寅相火手少陽 大腸卯燥金

水手太陽 色絡巳風木手

厥陰 心午君火手少陰 肺未濕土手太陰

足三陰三陽 膽申相火足少陽 胃酉燥金足陽

明 膀胱戌寒水足太陽 肝亥風木足厥陰

腎子君火足少陰 脾丑濕土足太陰

歌曰

手經太陽屬小腸

膀胱經屬足太陽

肝足厥陰手包絡

胃足腸明手大腸

膽屬少陽足經尋

三焦手內少陽臨

腎足少陰手是心

脾足太陰手肺金

五臟六腑除心包絡十二經脈證法夫入有五臟六

腑虛實寒熱生死逆順皆見形證脈氣若非診察

無由識也虛則補之實則瀉之寒則溫之熱則涼

之不虛不實以經調之此乃良醫之大法也

肝之經肝脈本都在於筋足厥陰風乙木也

經曰肝與膽爲表裏足厥陰少陽也其經主

乃萬物之始生也其氣軟而弱則不

不可下其脈弦長曰平及此曰病脈實而
太過病在外令人志忽眩暈虛而微則為不及
在內令人骨節脹滿。凡肝病則兩脇下引痛。
甚怒。虛則如人將捕之其氣逆則頭痛耳聾
赤。其脈沉而急浮之亦然。主脇支滿小便難頭
痛眼眩。脈急主惡言微急氣在脇下。緩甚則
嘔逆微緩水痺。大急內傷吐血微大筋痺小便
多微小痺。滑甚類瘋微滑遺溺。澀甚流飲微
澀癱瘓。又肝之積氣在左脇久而不去發效逆
或為疔瘰也。虛夢花草茸茸實夢山林茂盛
。肝病旦喜晚甚夜靜。肝病頭痛目眩支滿

其脈縮小便不通十日死。又身熱惡寒四支不舉
其脈當弦而急反短濇者乃金尅木也死不治。○
又肝中寒則兩脇不舉舌燥多太息胸中痛不能
轉側其脈左關上遲而濇者是也。○肝中熱則喘
而滿多嗔目痛腹脹不嗜食所作不定睡中驚悸
眼赤視物不明其脈左關陽實者是也。○肝虛冷
則脇下堅痛目盲臂痛發寒熱如瘧狀不欲食婦
人則月水不來氣急其左關上沉而弱者是也。此
五臟六腑虛實寒熱生死逆順之法也。○主治備
要云是動則病腰痛不可俛仰丈夫頰病婦人
腹腫甚則吐衄面塵脫色主肝所生病者。

逆飡泔孤疝遺溺閉瘡病肝苦急甘以經之

肝欲散辛川芎補以細辛之辛瀉以白芍藥之酸

○肝虛以陳皮生姜之類補之經曰虛則補其母水

能生木腎乃肝之母也苦以補腎熱地黃黃柏是

也如無他證惟不足錢氏地黃元主之實則芍藥

瀉之如無他證錢氏瀉青元主之實則瀉其子心

乃肝之子以球草瀉之

之經足少陽風甲木

經曰膽音中清之府也號曰將軍決斷出焉能喜

怒剛柔與肝為表裏也足少陽是其經也虛則傷

寒恐畏頭眩不能臥實則傷熱驚悸精神不守卧

起不定。玄水發其根在膽。又肝效久不已則傳邪入膽嘔青汁也。又膽有水則從頭腫至足也。又膽病則善太息口苦吐宿汁心中戚戚恐如人將捕之咽中介介然數唾。又睡卧則脇下痛口苦太息邪氣客於膽則夢聞訟脈在左關上淨而得之是部也。膽實熱則精神不守膽熱則多睡膽冷則無眠。又關上脈陽微者膽虛陽數者膽實陽虛者膽絕也已上皆虛實寒熱生死脈證之法也。主治備要云是動則口苦善太息胃脇痛不能轉側甚則面微有塵體無膏澤足外熱是爲陽厥是主厥所生病者頭痛頰腫口

痛缺盆中腫痛腋腫馬刀挾瘻汗出振
脇肋髀膝外至脛絕骨外踝前及諸節皆痛。肝
訣云左關膽與肝脈之所出也。先以輕手得之是
膽屬表後以重手得之是肝屬裏也。肝合筋肝脈
循筋而行持脈指法如十二菽之重按至筋平脈
道如箏弦者為弦脈道迢迢者為長此弦長乃肝
家不病之狀也。肝脈本部在筋若出筋上見於皮
膚血脈之間者是其浮也。入於筋下見於骨上是
其沉也。臨病細推之舉一知十之道也。

⑤之經心脈本部在於血手少陰君丁火也

經曰心者五臟之尊號帝王之稱也與小腸通為

表裏神之所舍又生於血屬火旺於夏手少陰太陽是其經也。○凡夏脉鈎來盛去衰故曰鈎反此者病來盛去亦盛爲太過病在外來衰去亦衰爲不足病在內太過令人熱而骨痛口瘡而舌焦引水不及令人燥煩上爲欬唾下爲氣泄。○其脉來如連珠如循琅玕曰平來啄啄連屬其中微曲曰病來前曲後居又如帶鈎曰死。○思慮過多怵惕則傷心心傷則神失神失則恐懼。○又真心痛手足寒時過膝則旦占夕死。○又心有水氣身腫不卧燥煩。○心中風則呼吸發熱不能行立飢而不食食則嘔吐。○夏心脉王左寸洪浮大而數。

反此則病。若沉而滑者水尅火十死不
而長者木來歸子不治自愈。緩而大者土來入
火微邪相干無所害。心病則胃中痛支滿脹肩
背臂膊皆痛。虛則多悸惕然無眠胃腹大腰
背引痛喜悲。心積氣久不去則苦煩心中痛。
實則笑不休夢火發。心氣盛則夢喜笑恐畏。
邪氣客於心則夢煙火心腹氣短夜卧不寧懊懣
重氣往來腹中熱喜水涎出。心病日中慧夜半
甚平旦靜。又左手脉大手熱腋腫太甚則胃中
滿而煩澹澹大動面赤目黃也。心病先心痛時
刻不止關膈不通身重不已三日死。心虛其心

則畏眩目欲眠精神不倚魂魄妄行。心脉沉之
小而緊浮之喘若心下氣堅食不下喜咽唾手熱
煩滿多忘太息此得之思慮太過也。其脉急甚
瘕瘕微急則心中痛引前後胃背不下食。緩甚
則痛引背善淚。小甚則噦微小則消痺。滑甚
則爲渴微滑則心痰引臍腹鳴。澁甚諳不言。
又心脉搏堅而長主舌強不能言軟而散當懾怯
不食也。又急甚心病臍下有病形煩悶少氣大
熱熱上煎。又心病狂言汗出如珠身厥冷。其
脉當浮而反沉濡而滑其色當赤反黑者水尅火
十死不治。又心積沉之空空上下往來無常。

病曾滿悻腹中熱面頰赤咽乾燥煩掌熱

血夏差冬甚宜急療之止於旬日也。又赤黑色
入口必死也。面目赤黃亦死赤如血則亦死。
又憂喜思慮太過心氣內去其色反和而盛者不
出十日死。扁鵲云心絕則一日死色見凶多入
雖健故號曰行屍一年之中禍必至矣。又其人
語聲前寬而後急後聲不接前聲其聲濁惡其口
不正冒昧喜笑此風入心也。又心傷則心損身
手不遂骨節離解舒緩不自由下痢無休此病急
宜治之不過十日而已。又笑不休呻而復憂此
水乘火也陰繫於陽陰起陽伏伏則生熱熱生狂

胃謔亂妄言不可采聞心已損矣扁鵲云其人唇
口赤色可治青黑即死。又心虛則先煩而後渴
翁翁發熱也其脈浮緊而大是也。心氣實而大
便不利腹滿身熱而重溫溫欲吐吐而不出喘息
急不安卧其脈左寸口與人迎皆實大者是也。
心虛則恐悸多驚喜憂思不樂胃腹中苦痛言語顫
慄惡寒恍惚面赤目黃善衄血其脈左寸口虛而
微者是也此心臟虛實寒熱生死逆順脈證也。
主治秘要云是動則噎乾心痛渴而欲飲是謂臂
厥主心所生病者目黃脇痛臍臂肉後臑痛厥
中熱痛。心苦緩以五味子之酸收之。

軟以芒消之醃補以澤瀉之醃瀉以人參
者之甘。心虛則炒鹽補之虛則補其母未能生
天肝乃心之母肝木心火也以生姜補肝如無他
證錢氏安神圓是也實則甘草瀉之如無他證錢
氏方中重則瀉心湯輕則導赤散是也

小腸經手太陽水丙火

小腸者受盛之府也與心為表裏手太陽是其經
也小腸絕者六日死絕則髮直如麻汗出不已不
得屈伸也又心病傳小腸小腸欬則氣欬氣欬一
齊出也。小腸實則傷熱傷熱則口瘡生。虛則
傷寒傷寒則泄膿血或發泉水泉水則根在小腸

也。○小腸寒則下重，熱久不出則漸生痔，有積則
夕發熱而旦止，病氣發則使人腰下重，食則窘迫
而難便是其候也。○小腸脹則小腹脹引痛，厥邪
入小腸則夢聚井邑中，或咽痛領腫不可回首，肩
佞拔膈，佞折。○又曰：心者主也，神之舍也，其臟固
密而不易傷，傷則神去，神去則身死矣，故人多不
病，病即死不可治也。小腸受病也。○又左寸口
陽絕則無小腸脈也，六日死，有熱邪則小便赤澀。
○又實則口瘡，身熱，往來心中煩滿體重。○又小
腸主於舌之官也，和則能言而機關利，律善別其
味也。○虛則左寸脈浮而微軟弱，不禁按病。

狂無所守心下空空然不能語言者此小腸

寒熱死生逆順脈證之法也。主治備要云是重
氈則病噤痛頷腫不可以顧肩佞拔臑佞折主液壅
所生病者耳聾目黃頰腫頸頷肩臑肘臂外後廉痛
脈訣云左寸小腸心脈之所出也先以輕手得之
是小腸屬表後以重手得之是心屬裏心合血脈
心脈循血脈而行持脈指法如六菽之重按至血
脈而得者為浮稍稍加力脈道纖大者為大又稍
稍加力脈道闊軟者為散此乃浮大而散心家不
病脈之狀也心脈本部在於血脈若出於血脈之
上見於皮膚之間是其浮也入於血脈之下見於筋

肉之分是其沉也

脾之經脾脉本部在肌肉足太陰濕已土

經曰脾者土也諫議之官主意與智消磨五穀寄在胃中養於四傍王四季正主長夏與胃為表裏

足太陰陽明是其經也○扁鵲云脾病則面黃

色痿○實則舌強直不嗜食嘔逆四支緩虛則多

痺喜吞主痢不已○又脾虛則精不勝元氣乏先

弱不能自持○其脉來似流水曰太過病在外也

如鳥距曰不及病在內太過令人四支沉重言語

蹇滯不及則令人中滿不食乏力手足緩弱不遂

涎引口中四支腫脹澹泄不時夢中飲食○

來而和柔者如雞蹠地曰平來實而病指數如少
足曰病○又如鳥之喙如鳥之距如水之漏曰死
中風則吸吸發熱狀如醉人腹中煩滿皮肉爛爛
而起其脉阿阿然曰平反絃急者肝尅脾也真鬼
相遇大凶之兆也○反微澁短者肺乘於脾不治
自愈○反沉而滑者腎來乘脾亦不爲妨○反浮
而洪心來生脾不爲疾耳○脾病色黃體重失便
目直視唇反張爪甲青四肢沉吐食百節疼痛不
能舉其脉浮大緩反絃急其色青 死不治○又
脾病其色黃飲食不消腹脹滿體重節痛大便不
利其脉微緩而長者可治○脾氣虛則大便小便

不利汗出不止五液注下爲五色注痢下也又積
在中久不愈四支不收黃瘦食不爲肌氣脹喘喘
而不足也。脾實則時憂築墻垣蓋屋盛則憂歌
樂虛則憂飲食不足厥邪客於脾則憂天澤丘陵
風雨壞屋。脾脹則音噤四肢急體重不食善悲
。脾病平旦甚日中持下晡靜。脉急甚則癰癧
微急則腸中不利食不入而還出。緩甚則痿厥
微緩則風痿四肢不持。太甚暴仆微大氣衄血
膿在腸胃之外。小甚則寒熱作微小則消瘵。
滑甚則頰赤微滑則重毒腸鳴中熱。澁甚則腸
類微澁則內澁下膿血。脾脉至大而虛則奇

脾氣絕則十日死。又脾者亦死。唇焦枯

文面青黑者脾先死。脾病面黃目赤者可治青

黑色入口半年死。色如枳實者一日死。舌齒

休軟皆是其色出外餘外也。又口禁唇青黑四

肢重如山不能自持大小便秘無休歇飲食不入

七日死。又唇雖痿黃語音俱轉者尚可治。脾

病水氣久不去腹中痛鳴徐徐熱汗出其人又覺

緩今反急怒語而鼻突不能答人者此不過一日

禍必至矣。又脾中寒熱則皆使久腹中痛不下

食。病甚舌強語澁轉仰縮囊陰腹中引痛身重

不惡食膨脹臌臍水泄不能臥者十死不治。脾

土熱則面黃赤目痛脇痛滿寒則吐涎沫而不食
四肢痛滑泄不已手足厥甚則顛慄如瘧也臨病
之時切要明察脈證然後投藥此脾臟虛實寒熱
生死逆順脈證之法也

主治備要云是動則

病舌本強食則嘔胃脘痛腹脹善噫得後與氣則
快然如衰身體皆重主熱所生病者舌本痛體不
能動搖食不下煩心心中急痛澹瘦泄水閉黃疸
不能卧強立股膝內腫厥足大指不用○脾苦濕
急食苦以燥之白朮○脾欲緩以甘草之甘補以
人參之甘泄以黃連之苦○脾虛以甘草大棗之
類補之實則以枳殼瀉之如無他證虛則以

三五十三人二
益黃散實則泄黃散心乃脾之母以益補之肺

脾之子瀉以桑白皮

胃之經足陽明濕土

胃者脾府也又名水穀之海與脾爲表裏胃者人之根本胃氣壯則五臟六腑皆壯也足陽明是其經也胃氣絕則五日死。實則中脹難便肢節痛不下食嘔逆不已。虛則腸鳴脹滿滑泄寒則腹中痛不能食冷物。熱則面赤如醉人四肢不持不安眠語狂目亂便硬者是也。病甚則腹脇脹滿吐逆不食當心痛上下不通惡聞香臭嫌人語振寒喜欠伸。胃中熱唇黑執甚則登高而歌奔

衣而走顛狂不定汗出額上陷衄血不止。○虛極則四肢腫滿胃中短氣穀不化中滿也。○胃中風則澹泄不已。○胃不足則多飢不消食。○病人鼻下平則胃中病渴者可治。○胃脈搏堅長其色赤病。○其脈軟而散者病食。○脾左關上浮而大者虛也。浮而短濇者實也。浮而微濇者亦虛也。○浮而遲者寒也。○浮而數者熱也。此胃臟虛實寒熱生死逆順脈證之法也。主治秘要云是動則病悽愴振寒善伸數欠顏黑病至則惡人與火聞木聲則惕然而驚心欲動欲閉戶獨處甚則欲登高而歌弃衣而走奔響腹脹是為飢厥。

脉訣云右關脾胃脉之所生也先以輕手得之
胃屬表後以重手得之是脾屬裏脾合肌肉脾
循肌肉而行持脉指法如九菽之重按至肌肉脉
道如微風輕颺拂梢者爲緩又稍稍加力脉道敦
實者爲大此乃緩大脾家不病脉之狀也脾脉本
部在肌肉若出於肌肉之上見於皮毛之間者是
其浮也入於肌肉之下見於筋骨之分者是其沉
也

○**心脈** 手厥陰爲母血

是動則病手心熱肘臂攣急腋腫甚則臂支滿
心中澹澹大動面赤目黃善笑不休主脉所生病

者煩心心痛掌中熱治法與小腸同

三焦經手少陽爲父炁

三焦者人之三元氣也號曰中清之府總領五臟六腑榮衛經絡內外左右上下之氣也三焦通則上下內外左右皆通也其於周身灌體和內調外榮養內外導宣上下莫大於此也又名玉海水道上則曰三管中則曰霍亂下則曰走泄名雖三而歸其一有其名而無其形亦號孤獨而衛出於上榮出於中絡脉之系也屬上者經脉之系也屬中下者水氣之系也又亦屬膀胱之宗始出通陰陽呼吸有病則善脹脹氣滿小便堅澀而不

大便窘迫也。溢則作水留則作脹。手少陽是其也。又上焦實熱則額汗出而身無汗能食而氣不利舌乾口焦咽閉之類。腹脹肋脇痛。寒則不入食吐酸水胃脘刺痛噎乾津不納也。實則食已則還出彭彭然不樂虛則不能制下遺溺頭面腫也。中焦實熱則上下不通腹脹而喘下氣不上上氣不下關隔不通也。寒則下痢不止飲食不消中滿虛則脹鳴膨脹也。下焦實熱則小便不通大便亦難苦重痛也。虛寒則小便澀下不止也。三焦和則內外和逆則內外皆逆也。故云三焦者是人之三元氣也。此三焦虛實寒熱逆順生死之

注也

主治備要云是動則病耳聾渾渾焯焯

反治噎腫喉痺主氣所生病者浮出目銳皆痛頰痛耳後肩臑肘臂外皆痛小指次指不用

脈訣云右尺三焦命門脈之所出先以輕手得之見三焦屬表後以重手得之是命門屬裏也。上焦熱涼膈散洗心散中焦熱調胃承氣湯泄脾散下焦熱大承氣湯三才封髓丹氣分熱柴胡飲子白虎湯血分熱桃仁承氣湯清涼飲子通治其熱之氣三黃元黃連解毒湯是也

肺

之經肺脉本部在於皮毛手太陰燥辛金

經曰肺者鼻之合生氣之源號為相傳乃五臟

華蓋也外養皮毛內榮腸胃與大腸爲表裏手
陰陽明是其經也氣通則知其香臭有病則善效
鼻流清涕虛實寒熱則皆使人喘嗽。實則憂刀
兵恐懼肩息利下少氣力多悲感王於秋。其脉
浮而毛曰平。又浮而短澁者肺脉也其脉來毛
而中央堅兩頭虛曰太過則令人氣逆胃滿背脊痛
不及令人喘呼而欬上氣見血。又肺脉厭厭聶
聶如落榆莢曰平來如循雞羽曰病來如物之浮
如風吹鳥背上毛者死。其肺脉至而虛如毛羽
中人皮膚其色赤其毛析析者死。微毛曰平毛
多曰病毛而弦者春病弦甚曰即病。又肺病吐

衄血皮乾脉數頰赤者死。又久嗽而見血身熱而氣短氣脉多澁而今反浮大色多白而今反赤者火尅金十死不治。肺病喘嗽嗽身寒脉遲微者可治。秋旺於肺其脉多浮澁而短曰平反此爲病。又反洪大長異火焚亦不可治。又反得沉而軟滑者腎乘於肺不治自愈。反浮大而緩者是脾來生肺不治自差。反弦而長者肺被肝從爲微邪雖病不妨。虛則不能息耳重實咽噤乾喘嗽上氣肩背痛。有積則脇下脹滿痛。中風則口燥而喘身運而重形佞冒而腫其脉按之虛弱如葱葉下無根者死。中熱則唾血其脉

緊浮數者皆主失血此由燥擾噴怒勞傷得
結擁所為也○又其喘而目眩其脈浮大是也○又
肺痿則涎沫而咽乾欲飲者欲愈不飲者即未差
○又咳而遺小便者上虛不能制其下故也○其
脈濡者病內浮滑者病外肺死則鼻孔開而黑枯
喘而目直視也肺絕則十二日死其狀腹滿泄痢
不覺出面白目青此謂經亂也此雖天命亦不可
治○又飲酒當風中于肺咳嗽喘悶見血者不
可治也面黃目白亦可治之○肺病頰赤者死又
言音喘急短氣好睡此為真鬼相害十死十百死
百也大逆之兆矣○又陽氣上而不降燔于肺肺

自結邪腸滿喘急狂言瞑目非當所說而口鼻張
○大小便俱翻張飲水無度此因傷陽爲肺化血
半年死○又肺虛使心寒寒甚則發熱往來休作
不定多驚咳嗽如有所見者是也其脉浮而緊又
滑而數又遲而濇小皆爲肺虛也○又其人素聲
清而雄烈暴不亮嘔而氣用力言語難出視不轉
睛雖未爲病其不久○肺病實則上氣喘悶咳
嗽身熱脉大是也虛則力乏喘促右脇脹言語氣
短者是也○乍寒乍熱鼻塞頤赤面白皆肺之象
也肺臟虛實寒熱生死逆順脉證法也

主治秘要云是動則病肺脹滿鼓彰而喘嗽缺

中痛甚則交兩手而脅是爲臂厥主肺所生病者九
嗽上氣喘渴煩心脅滿臑臂內前廉痛厥掌中熱
氣盛有餘則肩背痛風寒汗出中風小便數而欠
氣虛則肩背痛寒少氣不足以息溺色變肺苦氣
上逆黃芩○肺欲收以酸白芍藥也補以五味子
酸瀉以桑白皮之辛○肺虛則五味子補之實則
桑白皮瀉之如無他證實則錢氏瀉白散虛則用
阿膠散虛補其母則以甘草補其土實瀉其子以
瀉澤瀉腎水

天腸經手陽明燥金

經曰大腸者肺之府也傳道之司號監倉之官肺

病久則傳入大腸手陽明是其經也寒即泄熱即結絕則利下不止而死。熱極則便血。又風中大腸則下血。又實熱則脹滿而大便不通。虛寒則滑泄不止大腸乍虛乍實乍來乍去寒則澹泄熱則後重。有積物則發寒慄而顫熱則發渴如瘧狀。積冷不去則當臍痛不能久立痛已則泄白物是也虛則喜滿喘嗽咽中如核妨矣此大腸寒熱虛實死生逆順脈證之法也

主治備

要云是動則病齒痛頸腫是主津液所生病者目黃口乾軋衄喉痺肩前臍痛大指次指痛不用氣有余則常脈所過者熱腫虛則寒慄不復。脈

云右寸大腸肺脈之所出也先以輕手得之是上
腸屬表後以重手得之是肺屬裏肺合皮毛肺脈
循皮毛而行持脈指法如三菽之重按至皮毛而
得者爲浮稍稍加力脈道不利爲澹又稍加力脈
道縮入關中上半指不動下半指微動者爲短此
乃浮澹而短肺不病脈之狀也肺脈本部在於皮
毛之上見於膚表是其浮也入皮毛之下見血脈
肌肉之分是其沉也

腎之經命門腎脈本部近骨足少陰寒癸水

經曰腎者精神之舍性命之根外通於耳男子以
藏精女子以繫胞與膀胱爲表裏足少陰太陽是

甚經也腎氣絕則不盡天命死也王於冬其脉沉營曰平反此者病其脉來彈石名太過病在外其去如解索謂之不及病在內太過則令人解休暗脊痛而少炁不欲言不及則令人心愁小腸滿小便滑變黃色。又腎脉來喘喘累累如鈞按之緊曰平又來如引葛按之益堅曰病。來如轉索辟辟如彈石曰死。又脉似石無胃炁亦死。腎有水則腹大臍腫腰重痛不得溺陰下濕如同牛鼻頭汗出是為逆寒大便難。腎病手足冷面赤目黃小便不禁骨節煩痛小腸結瘕熱氣上衝心脉沉而滑今反浮大其色當黑其人吸吸少氣。

耳苦聾精自出飲食少便下清穀脈遲可治。○
則脈沉而滑曰平反浮大而緩是土尅水反浮濇
而短肺乘腎易治反絃長肝乘腎不治自愈。○反
浮大而洪心乘腎不妨。○腎病腹體腫滿病咳嗽
汗出憎寒。○風虛則胷中痛。○陰邪入腎則骨痿
腰痛上引背脊痛。○過房汗出當風浴水久立則
腎拔。○其脈急甚則病痿微急則沉厥奔豚足不
收。○緩甚則虛損微緩則洞泄食不化入咽還出
。○大甚則陰痿微大則水起臍下腫腫而上至胃
者死小甚則亦洞泄微小則消瘳。○滑甚則癰漏
微滑則骨厥坐不能起目視花。○瀉甚則寒擁塞微

流則痔疾其脉至堅而大有腫氣在陰中及腹內也名腎痺得之浴清水卧濕地。來沉而大堅浮之而緊手足腫軟陰痿不起腰背疼小腹心下水氣時脹滿洞泄此由浴水未乾而合房得之。虛則夢泄溺人伏水中盛實則夢臨深投水中。腎脹則腹滿引脊腰痺痛。腎病夜半平四季甚下助靜。腎生病則口熱舌乾咽腫上氣溢乾及痛煩心而痛黃疸腸痺痿厥腰脊背急疼嗜卧足下熱而痛脂酸。腎病久不愈則腎筋疼小便閉而兩脇脹及滿目盲者死。腎則精積與腰相引而疼見飽減。又骨中寒結在臍下也積時

乘而細軟附於骨者是也。而黑目白腎已內存
八日死。又陰縮小便不出出而者亦死。又
色青黃連耳其人年三十許百日死若偏在一邊
一年死。實則悶煩臍下重熱則口舌焦而不便
澁黃。寒則陰中與腰背俱腫疼面黑耳乾嘔而
不食或嘔血者是也。又喉鳴坐而喘咳唾血出
亦爲腎虛寒欲絕也。此腎臟虛實寒熱逆順生死
脈證之法也。主治備要云是動則病飢不欲
食面黑如漆柴欬唾則有血喝喝而喘坐而欲起
目瞠瞠而無所見心如懸若飢狀氣不足則善恐
心惕如人將捕之是謂骨厥主腎所生病者口

舌乾咽腫上氣壅乾及痛煩心心痛黃疸腸癖吞
腹內後燕痛痿厥嗜臥足下熱而痛也。腎苦燥
則以辛潤之知母黃柏是也。腎欲堅用知母之
苦補以黃柏之苦瀉以澤瀉之醎。腎虛則以熟
地黃黃柏補之腎本無實本不可瀉錢氏止有補
腎地黃元無瀉腎之藥肺乃腎之母金生水補母
故也又以五味子補之是也

膀胱經足太陽寒壬水

經曰膀胱者津液之府也與腎為表裏號為水曹
名玉海也足太陽之經也總通五府所以五腑有
疾則應膀胱膀胱有疾胞囊小便不利熱入膀胱

則其氣急而小便黃澁也。膀胱寒則小便數而善白也。又石水發則根在膀胱腹反大者是也。又膀胱咳不已傳之三焦滿而不欲飲食也。然上焦主心肺之病人有熱則食不入寒則神不守泄下痢不止語聲不出也。實則上絕於氣不行也。虛則引熱氣於肺其三焦之氣和則五臟六腑之氣皆和逆則皆逆。膀胱中有厥氣變行不快滿脹則小便不下。臍下腫悶或腎病絕三日死死在雞鳴也。此膀胱虛實寒熱逆順生死脈證之法也。

主治備要云是動則病衝頭痛目佞脫。項佞拔脊痛腰佞折解不可以曲。臆如結臆如裂是爲蹠。

厥主筋所生病者痔瘡狂顛疾頭顛項痛日黃淡
出龜胸項脊腰尻脛膕脚皆痛小指不用
訣云左尺膀胱腎脈之所出先以輕手得之是膀胱
屬表後以重手得之是腎屬裏命門與腎脈循
骨而行持脈指法按至骨上得之為沉又重手按
之脈道無力者為濡舉手來疾流利者為滑此
乃沉濡而滑命門與腎脈不病之狀也命門與腎
本部近骨若出於骨上見於皮膚血脈筋肉之間
是其浮也入而至骨是沉也

三才治法

三感之病華氏石函經云夫病有宜瀉者宜禿者宜

散者宜下者宜吐者宜汗者湯可以蕩滌臟腑開
經絡調品陰陽○丸可以逐風冷破堅積進飲食○
散可以去風寒暑濕之氣除五臟之結伏開腸利胃
可下而不下則使人心腹脹滿煩亂鼓腫可汗而不
汗則使人毛孔閉塞悶絕而終可吐而不吐則使久
結胃上喘水食不入而死內經治法云○天之邪氣
感則害人五臟肝心脾肺腎實而不滿可下之而已
○水穀之寒熱感則害人六腑膽胃三焦膀胱大腸
小腸蕪而不實可吐之而已○地之濕氣感則害人
肌膚從外而入可汗之而已

四因感病

四因之病注云外有風寒暑濕天之四令無形者也
內有肌飽勞逸亦天之四令有形者也

○一者始因氣動而內有所成者謂積聚癥瘕瘤氣
瘦起結核狂脅顛癇

跡于難望也積波也瘦氣血也

○二者始因氣動而外有所成者謂癰腫瘡瘍疥癬
疽痔掉癩浮腫目赤爛

疥跗腫痛痒

○三者不因氣動而病生於內者謂流飲癖食飢飽
勞逸宿食霍亂悲以喜怒相慕憂結

○四者不因氣動而病生於外者謂瘡氣魅賊虫蛇蠱
毒伏屍鬼擊墜雷風寒暑濕所射刺割等

○五鬱之病

注云五運之法也

木鬱之病肝酸風形

注云故民病胃脘當心而痛四肢兩脇咽膈不通飲食不下甚則耳鳴眩轉目不識人善暴僮仆筋骨強直而不用卒倒而無所知也經曰木鬱達之謂吐令洞達也

火鬱之病心苦火暑

注云故民病少氣煩滿腫脇脅背手面四肢膜臄腹脹瘍瘍嘔逆壅塞從骨痛節疼及有動注下溫瘡腹中暴痛血溢流汗精液乃少目赤心熱甚則脅胸懊懣善暴死經曰火鬱發之謂汗今踈散也

土鬱之病脾甘

註云故民病腹脹腸鳴而爲數復甚則心痛脇腹
嘔逆霍亂飲發注下跗腫身重乃脾熱之生也經
曰土鬱奪之謂下無壅滯也

⑤金鬱之病肺辛

注云故民病欬逆心腹滿引小腹善暴痛不可反
側嗑乾面塵色惡金勝木而病也經云金鬱泄之
謂解表利小便也

⑥水鬱之病腎鹹

注云故民病寒心痛腰椎痛大關節腰也不利屈伸
不便善厥逆痞堅腰滿陰乘陽故也經曰水鬱抑
之謂抑之制其微逆也

五運之政猶權衡高者抑之下者舉之化者應之變者復之此生長化收藏之理也失常則天地四塞矣

六氣主治要法

大寒丑上(初)之氣自太寒至春分厥陰風木之位一陽用事而炁微故曰少陽得甲子元頭常準以大寒初交之炁分也以六周甲子以應六氣下十二月正月二月少陽三陰三陽亦同

注云初之炁爲病多發欬嗽風痰風厥涎潮痺塞口喎半身不遂失音風癩風中婦入胃中留飲臍腹微痛嘔逆惡心旋運驚悸狂陽心風搐搦顛掉初之炁依內經在上者宜吐在下者宜下

春分卯上(二)之氣春分至小滿少陰君火之位陽氣
清明之間有陽明之位也

注云二之炁爲病多發風溫風熱經曰風傷於陽
溫傷於陰微則頭痛身熱發作風溫之候風傷於
血也溫傷於胃氣也是以風溫爲病陰陽俱虛而
浮汗出身重眠多鼻息語言難出也上二證不宜
熱藥下之必死二之炁病宜以桂枝麻黃湯發汗
而已

小滿巳上(三)之炁小滿至大暑少陽相火之位陽氣
發萬物俱盛故云太陽旺其脈洪大而長天氣并萬
物人脈盛

注云三之氣爲病發熱多皆傳足經者多矣太陽
陽明少陽太陰厥陰少陰。太陽者發熱惡寒頭
項痛腰背強。陽明者肌熱目疼鼻乾不得卧。
少陽胃脇痛耳聾口苦寒熱往來而嘔此三陽屬
熱。太陰者腹滿咽乾手足自溫自利不渴或腹
滿時痛。少陰者故口燥舌乾而渴。厥陰者
滿舌捲囊縮喘熱悶亂四支厥冷爪甲青色三之
炁病宜以清上涼下溫養不宜用芫豆熱藥下之
大暑未上(四)之炁大暑至秋分太陰濕土之位陽氣
告代夏後陰已用事故曰太陰旺此三陰三陽與天
炁標本陰陽異矣脉緩大而長燥金玉緊細短澁以

萬物乾燥明可見矣

注云四之炁爲病多發暑氣頭痛身熱發渴不宜作熱病治宜以白虎湯得此病不傳染發脾泄胃泄大腸泄小腸泄大瘕泄霍亂吐泄痢白及赤白相雜米穀不消腸鳴切痛面浮足腫目黃口乾脹滿炁痞手足無力小兒亦如之四之炁病宜滲泄五苓散之類是也

秋分酉上(五)之氣秋分至小雪陽明燥金之位陽衰陰盛故曰金炁旺其脈細而微

注云五之氣爲病多發喘息嘔逆咳嗽及婦人寒熱往來瘡癰痔消渴中滿小兒疳疹瘡豆五之

無病宜以大柴胡湯解治表裏

小雪亥上終之氣小雪至大寒太陽寒水之位陰極而盡天氣所收故曰厥陰旺厥者極也其脈沉短以數萬物收藏在內寒氣塞閉膚腠氣液不能越故脈微

注云終之氣爲病多發風痠風寒濕痺四支不收秋盡冬水復王水濕相搏肺氣又衰冬寒甚故發則收引痿厥弱無以運用水液澄徹清冷大寒之疾積滯癥塊寒散血癥終之氣病宜破積發汗之藥是也

○主治心法隨證治病藥品

頭痛須川芎如不愈加各引經藥頂顛痛用蔓本去
川芎支節痛用羌活風濕亦用之。小腹痛用青皮
。心下痞必用枳實黃連。腹痛用芍藥惡寒而痛
加桂惡熱而痛加黃柏。腹中窄狹用蒼朮。肌熱
去痰用黃芩亦用黃耆。腹脹用姜製厚朴腹中膈
熱用大黃芒硝。虛熱用黃耆亦止虛汗。脇下痛
往來潮熱用柴胡。脾胃受濕沉困無力怠墮嗜卧
去痰用白朮。胃脘痛用草薹冠。氣刺痛用枳殼
看何經分以引經導之。破滯氣用枳殼高者用之
能損胃中至高之氣三二服已。破滯血用桃仁蘇
木。補血不足用甘草。和血用當歸凡血受病皆

用。血刺痛用當歸詳上下用根梢。去痰用半夏
熱痰加黃芩風痰加南星胃中寒邪痞塞用陳皮白
木然多用則瀉脾胃。調氣用木香補氣用人參。
去下焦濕腫及痛并膀胱火必用漢防己草龍膽黃
柏知母。去上焦濕及熱瀉用黃芩瀉肺火故也。
去中焦濕與痛用黃連瀉心火故也。去滯氣用青皮
多則瀉元氣。渴者用乾葛茯苓禁半夏。嗽用五
味子。喘則用阿膠宿水不消用黃連枳實。煩燥
用梔子仁。飲水多致傷脾用白朮茯苓猪苓。水
瀉用白朮茯苓芍藥。瘰癧不可忍者用苦寒藥如
黃芩黃連詳上下分根梢及引經藥。眼痛不可忍

者用黃連當歸根以酒浸煎。小便黃用黃柏澀者加
澤瀉。莖中痛生甘草稍。驚悸恍惚用茯神。九
用純寒純熱藥必用甘草以緩其內。要寒熱相雜亦
用甘草調和其性也。中滿者禁用經云中滿勿食甘
。五藏補瀉法

肝虛以陳皮生姜之類補之。經曰虛則補其母。水能生
木。腎乃肝之母。腎水也。若補其腎。熟地黃黃柏是
也。如無他證。惟不足。錢氏地黃元主之實。則白芍
藥瀉之。如無他證。錢氏瀉青元主之實。則瀉其子
心乃肝之子。以甘草瀉心。

心虛則炒鹽補之。虛則補其母。木能生火。肝乃心之

母肝木也心火也以生薑瀉肝如無他證錢氏中
神元是也實則用甘草瀉之如無他證以錢氏方中
重則瀉心湯輕則導赤散

瀉則甘草大棗之類補之實則以枳殼瀉之如無
他證虛則以錢氏益黃散實則瀉黃散心乃脾之
母以炒鹽補之肺乃脾之子以桑白皮瀉肺

肺虛則五味子補之實則桑白皮瀉之如無他證實
則用錢氏瀉白散虛則用阿膠散虛則以甘草補
土補其母也實則瀉子澤瀉瀉其腎水

腎虛則熟地黃黃柏補之瀉以澤瀉之鹹腎本無實
本不可瀉錢氏止有補腎地黃元無瀉腎之藥肺

乃腎之母金生水補之故也補則以五味子

已上五藏內經藏氣法時論中備言之欲究其詳精
看本論

○看本論用藥凡論例

凡解利傷風以防風爲君甘草白朮爲佐經云辛甘
發散爲陽風宜辛散防風味辛及治風通用故防
風爲君甘草白朮爲佐也

凡解利傷寒以甘草爲君防風白朮爲佐是寒宜甘
發也或有別證於前隨證治病藥內選用其分兩
以臣論

傷寒表熱服石膏知母甘草滑石葱豉之類寒藥汗

出即解如熱病半在表半在裏服小柴胡湯寒熱能令汗出而愈者熱甚服大柴胡湯下之更甚者小承氣湯下之裏熱太甚者調胃承氣湯下之及大承氣湯下之發黃者茵陳湯下之結胸者陷胃湯下之此皆大寒之利藥也又言身熱惡寒麻黃湯汗泄之熱去身涼即愈

○目疾

目疾暴發赤腫羞怕防風柴胡香白芷升麻二制黃連黃芩甘草白睛紅白豆蔻少許則當歸根爲主凡眼暴發赤腫以防風黃芩爲君以瀉火和血爲佐黃連當歸是也兼以各經藥引之

九眼久病昏暗以熟地黃當歸根爲君以羌活防風
甘菊花甘草之類爲佐

○瀉痢水泄

凡痢疾腹痛以白芍藥甘草爲君當歸白朮爲佐見
血先後分三焦熱冷

凡瀉痢小便青白不澁爲寒赤澁爲熱也又法曰完穀
不化而色不變吐痢腥穢澄澈清冷小便清白不澁
身涼不渴脈遲細而微者寒證也穀雖不化而色變
非白頓濁小便赤黃而或澁者熱證也凡穀消化無
問他證及色便爲熱也寒泄而穀消化者來之有也
瀉痢白朮甘草水瀉米穀不化防風傷食微加大黃

腹脹厚朴溼者白茯苓腹疼白芍藥甘草爲主冬
月白芍藥一半白朮一半夏月製黃芩先見膿血
後見大便秘者黃柏爲君地榆佐之膿血相雜而下
者製大黃先大便而後膿血者黃芩二製皆以當
歸根梢詳其上下而用之腹不痛白芍藥半之身
體困倦目不欲開口不欲言黃耆人參沉重者製
蒼朮不思飲食木香藿香葉裏急大黃芒硝甘草
下之後重者木香藿香賓卽和之

凡水瀉伏苓白朮爲君芍藥甘草佐之

凡諸風以防風爲君隨證藥爲佐

凡嗽以五味子爲君有痰者半夏爲佐喘者以阿膠

爲佐有熱無熱俱以黃芩爲佐但分兩多寡不同耳
凡小便不利黃柏知母爲君茯苓瀉澤爲使

凡下焦有濕草龍膽防己爲君黃柏甘草爲佐

凡痔漏以蒼朮防風爲君甘草芍藥爲佐詳別證加減

凡諸瘡以黃連當歸爲君連翹甘草黃芩爲佐

凡瘡疾以柴胡爲君隨所發之時所屬經分用引經

藥佐

已上皆用藥之六要更詳別證於前隨證治病內
逐旋加減

○解利外感

傷風者惡風用防風二錢甘草一錢麻黃一錢如頭

痛加川芎一錢項下脊傍至腰痛者羌活一錢
體沉重製蒼朮一錢支節痛羌活一錢目痛鼻乾
及痛者升麻一錢或乾嘔或寒熱或脇下痛者俱
加柴胡一錢

傷寒者惡寒麻黃二錢防風一錢炙甘草一錢頭沉
悶者羌活一錢

。解利內感

傷西瓜冷水羊乳寒濕之物白朮二錢川烏頭半錢
防風一錢丁香一箇炙甘草一錢
傷羊肉麪馬乳皆濕熱之物白朮一錢黃連一錢大
黃二錢炙甘草半錢製黃芩一錢

以上二證腹疼白芍藥一錢心下痞枳實一錢腹
脹厚朴半錢胃中不利枳殼半錢胃中寒陳皮半
分渴者白茯苓一錢腹中窄狹蒼朮一錢支體沉
重製蒼朮一錢。因怒而傷者甘草半錢。因憂
而傷者枳殼半錢。因喜而傷者五味子半錢。
因悲而傷者人參半錢

大抵傷冷物以芫豆爲君傷熱物者以大黃爲君詳
認病證添加爲佐之或丸或散可也

○中風

手足不遂者中府也病在表也當先發汗羌活防風
升麻柴胡甘草各二錢作一服取發汗然後行經

養血當歸秦芫甘草獨活各一兩行經者隨經用之
耳聾眼瞶及口偏邪中臟者也病在裏也當先踈大
便然後行經白芷柴胡防風獨活各一兩又川芎
半兩薄荷葉半兩

右爲末煉蜜元彈子大每一丸細嚼溫酒下茶清
亦得

○破傷風

脈浮在表當汗之脈沉在裏當下之背後搐者羌活
防風獨活甘草向前搐者升麻白芷防風獨活甘
草兩傍搐者柴胡防風甘草右搐者白芷加之

○破傷中風法

經曰因瘡熱甚鬱結而榮衛不得宣通故多發白痂
是時瘡口閉塞氣不通泄熱甚則生風也治法曰
破傷中風風熱燥甚佛鬱在表而裏氣尚平者善
伸數欠筋脉拘急或時惡寒而搐脉浮數而弦者
以辛熱治風之藥開衝結滯榮衛宣通而愈也凡
用辛熱之藥或以寒涼藥佐之尤妙免致藥不中
病而風熱轉甚也

若破傷中風表不已而漸入于裏則病勢轉甚若裏
未大甚而脉在肌肉者宜以退風熱開結滯之寒
藥調之或以微加治風辛熱藥亦得以意消息不
可妄也至寶丹亦涼藥也如熱甚于裏以大承氣

湯下之

○瘡瘍

脈浮者爲在表宜行經黃連黃芩連翹當歸人參木香賓郎黃柏澤瀉在腰已上至頭者枳殼仍作引經之藥引至瘡所

脈沉者在裏當踈利藏府利後用前藥中加大黃取利爲度隨實虛定分兩痛者止以當歸黃耆止之

○婦人

產婦臨月未誕者凡有病先以黃芩白朮安胎一劑然後用治病藥發熱及肌熱者黃連黃芩黃耆人

參腹痛者白芍藥甘草感冒者依前解利

產後諸病忌用白芍藥

黃芩柴胡內惡物上衝曾

脇痛者大黃桃仁血刺痛者當歸內傷發熱者黃連渴者白茯苓一切諸病各依前法惟渴者去半夏喘嗽者去人參腹脹忌甘草

婦人舉世皆言白帶下爲寒誤之甚矣所謂帶下者

任脉之病也經曰任脉者起於中極之下以上毛

際循腹裏上關元至于咽喉上頤循面入目注言

任脉自胞上過帶脉貫絡而上然其病所發正在

過帶脉之分而淋瀝以下故曰帶下也其赤白之

說者利義同而無寒者法曰頭目昏眩口苦舌乾

咽嗑不利小便赤澀大便澀滯脉實而數者皆熱證也

。小兒

小兒但見上竄及搖頭咬牙即是心熱黃連甘草目連閃肝熱柴胡防風甘草

若左腮紅是肝風與錢氏瀉青元

右腮紅肺熱與錢氏瀉白散

額上紅者心熱也與黃連一味

鼻上紅者脾熱也與錢氏瀉黃散

頰上紅者腎熱知母黃柏皆二製甘草炙

凡治小兒藥味與大人皆同只劑料差少如見

胞赤呵欠嚏噴驚悸耳尖手足稍冷即是瘡疹三日已後其證不減亦不見瘡苗即以柴胡升麻甘草以生薑煎 慎不可投以寒涼利臟腑之劑使瘡不能出其禍不可測

凡養小兒酒肉油膩生硬冷物及冷水等不可食自無甘癖二證驚風搐者與破傷風同

○潮熱

潮熱者黃連黃芩生甘草辰戌時發加羌活午間發黃連未間發石膏申時柴胡酉時升麻夜間發當歸根若有寒者加黃耆人參白朮

咳嗽有聲咳嗽無痰者生姜杏仁升麻五味子防風

桔梗甘草

無聲有痰者半夏白朮五味子防風枳殼甘草冬月
須麻黃陳皮少許

有聲有痰者白朮與半夏五味子防風久不愈者枳
殼阿膠

痰有五證風氣熱寒濕也詳見活法機要中

醫學啓源卷之上